



23. sept.

UKA2016/122

Siunnersuut uunga: Imigassat aalakoornartortallit pillugit Inatsisartut Inatsisaat nr. xx, ulloq xx.xx 2016-imeersoq

(Peqqissutsimut Nunat Avannarliit Suleqatigiinnerannullu Naalakkersuisoq)

Imigassamik aalakoornartulinnik inatsisissatut siunnersuut Naalakkersuisup saqqummiussaanut qujavugut, Siumumiillu imak oqaaseqarfigissavarput.

Sorlermut naleqqussassaagut? Takornarissat sungiusimasaanut? Imaluunniit nunaqavissut atugaannut?

Nunatsinni takornariaqarnikkut naleqqussaleruttorpugut tamannalu nunatta pisariaqartippaa aningaasarsiornissaq eqqarsaatigalugu. Taamaattumik hoteliutillit tusarniarneqarnerminni isumaliutigeqqusaat inatsisissap naleqqusarneqarnerani inissaqartinneqartariaqarput.

Soorunami inatsit nunaqavissunut tulluuttuussaaq tamannalu nutaamik eqqarsarluni aqqtissiuunneqassappat eqaatsumik aaqqinneqarnissaa pingaaruteqarpoq.

Siumup pingaartilluinnarpaa inuunerinnerunissamik pingaartitsineq. Peqqinnerusumik maligassiuulluurtumillu meeqqatta inuusuttortattalu pitsaasumik avatangiiseqarnissaannik takutitsisumik maligassiuunnissaat. Inuiaqatigiillu peqqinnerusumik atugassaqaalernissaat siunertaralugu naapertuuttumik atugassaqartinnissaat salliusariaqarpoq.

Siumup nuannaarutigalugu oqaatigerusuppaa nunatsinni imigassartornerup annikilliarthonera nuannaarutigigatsigu. Tamatuminnгалu inuiaqatigiit nersualaarussuppagut. Isumaqarpugullu suliat tamakku ineriartortinneqarnerat ataavartumik ingerlanneqarumaartut. Katsorsaavinnilu amerlanersunik peqalernissaq Siumumiit kaammattuutigaarput.

Imigassamik hashimillu atornerluinerit Kalaallit Nunaanni innuttaasut peqqinnerunissaannut ajornartorsiutit annersaraat, soorlulu inunnik inooqateqarnermut tarnikkullu ajornartorsiutinut ersarissumik attuumassuteqartut. Atornerluisarnerit meeqqat, inuusuttut ilaqutariillu ajornartorsiutinik naammattuuisarnerinut peqqutit annerit ilagaat. Tamakku sapinngisamik minnerpaaminiitinnissaat sulissutissatta ilaanniipput.

Inatsisissatut siunnersuutit misissornerini ilaatigut isumaqatigisinnaasagut ippinnarsorisagullu uani pingaarnertut saqqummiukkusuppagut. §2 0,0 volumprocent pinnagu, kisiani ullumikkut killingitinneqartutut atuuffiusoq atuutiinnarnissaa kissaatigaarput.

§18 imerniartarfinni sivilisunerusumik ammasarnissamik siunnersuut sukumiinerusumik ataatsimiititaliani suliarineqarnissaa misissorneqarnissaa Siumut kissaatigaa. Siumut



isummernissamininut pingaartippaa Kommunit iluminni aalajangiiffissatut isummerfigisinnaasaannik kiisalu inuussutissarsiuteqartunut tusarniarneqarnissaat ammatinneqarnissaa, nunap immikkoortuini assigiinngittuni isumasiooqatigiissitinertut ittunik ingerlatsisoqarnissaanik.

§24 siunnersuutigineqartoq Siumup piumasarinngilaa, ullumikkutulli Kommunit akuersisartuunermut pisinnaatitaaffeqarnerat attatiinnarneqarnissaa Siumut kissatigaa.

Inatsisissap malitsigisaanik ilanngullugu kissaatigineqartariaqarpoq katsorsaaviit amerlanerulernissaannik. Taamatullu meeqqat atuarfianni pinaveersaartitsineq pillugu atuartitsinissaq pimoorunneqartariaqarpoq. Sakkortuumik piareersagassatta pingaarnersaat tassaajuaannarput kinguaariit nikinneranni tulliuttuni pitsaanagerusumik atugassaqtitsinissaq. Taakkununga nukissavut pitsanngorsartuartigit, taamaasilluni siunissami aggersumi meeqqat pigiliussaap takorluukkagut malillugit piviusunngorsinnaassammata.

Taamatut oqaaseqarluta inatsisissatut siunnersuut annertoqimmat piffissaqarluarlutik ataatsimiitsitalini suliarineqassasut. Aappassaaneernejarnissaanut Ataatsimiitsitaliat sulilluarnissaanik kissaappavut.

Laura Táunâjik
Siumut